

20. december 2019

Inatsisartut suleriaasianni § 37 imm. 1 naapertorlugu Naalackersuisunut apeqqut imaattoq matumuuna saqqummiuppara:

Naalackersuisunut apeqqut:

1. Royal Greenland-ip kilisaataataani inuttat qanoq amerlatigisut Kalaallit Nunaata avataani najugaqarpat (adresse-eqarpat)?
2. Royal Greenland-ip kilisaataataani inuttaqarpa nunatta avataani najugaqarluarlutik Nuummi qullersaqarfiup ataani adresselinnik? Aappiuppat qassit?
3. Royal Greenland-ip kilisaataataani inuttat Kalaallit Nunaata avataani najugallit Kalaallit Nunaannut akileraartarpat (personskat)?
 - Taamaanngippat inatsimmi suna peqqutaava?
4. Royal Greenland-ip Danmark-imi sulisui 200 sinnillit Danmark-ip sulisut akileraarutaatigut qanoq annertutigisumik pissarsissutigisarpai?
5. Illumut Naalackersuisusut isumaqarpat atorfiit taamak amerlatigisut Danmark-imi inissisimassasut?
6. Royal Greenland-ip Danmark-imi allaffissuarmi sulisui nunatsinniilernissaat Naalackersuisut anguniarpaat? Aappiuppat, qaqugu timitalerneqassava? Naamiuppat, suna peqqutigalugu?

(Inatsisartuni ilaasortaq Erik Jensen, Siumut)

Tunngavilersuut:

Nuannaarutissaavoq ukiuni kingullerni Royal Greenland inuiaqatigiit pigisaattut aningaasaqarnikkut pitsaasumik ingerlalersimanera, naak akiitsui 2018-imi qaffariarsimagaluartut – tamannali kilisaatinik angisuunik nutaanik marlunnik pitaarsimanermik aallaaveqarpoq. Isumaqarpungali Royal Greenland-ip ingerlallualersimanera aallaavigalugu suliffeqarfissuup inuiaqatigiinniit pigineqartup Kalaallit Nunaannut suli annertunerusumik aningaasatigut tunniussaqaqarnerusinnaasoq, akileraarutitigut kiisalu nunatsinni innuttaasut sulisorineqarnerisigut Naalackersuisikkut pisussaaffilersorneqarneratigut. Taamaasiornikkummi inuiaqatigiinni nunaqavissut atorineqarnerunissaat kiisalu akileraarutitigut nunatsinni kaaviiartitsineruneratigut aammalu kalaallit sulisut atorluarneqarnerunerisigut, avammut niuerneramik ilisimasaqassuseq ilinniartitaanerlu nunatsinnut suli iluaqutaanerusinnaasoq, Naalackersuisut tamanna kissaatigippassuk.

Assersuutissaqissut ilaat: Siunissami kiffartuussinissamut isumaqatigiissutit pillugit Nuummi isumasioqatigiittoqarmat (infrastruktur seminar) 20. aamma 21. marts 2019 RAL-imiit



ilisimatitsissutigineqarpoq talittarfeqarnerup Aalborg-imiit Århus-imut nuunneqarneratigut sulisorpassuit (pisariaqanngitsumik Danmark-imi sulisut) atorfissaarussimasut. Taamatuttaaq Mittarfeqarfiit pisiniartarnermut immikkoortortaqaqfitsik Danmark-imiit Nuummut nuussimagaat isumaqaramik Kalaallit Nunaanni innutaasut atuisut akiligaat nunatsinni soorunami inissisimasariaqartut.

Royal Greenland-ip Danmark-imi allaffeqarfissuani atorfiit ilarpassui nunatsinnut nuunneqaraluarpata qanormita sulisut akileraarutaatigut pissarsissutigissagaluarpaput pinngitsooratillu aamma najugassaqaqtariaqarmata najugaqarfissaannik sanaartornermik allarpassuarnillu pilersitseqataassagaluarput.

Taamaattumik Royal Greenland-ip Danmark-imi atorfippassuit ilaat nunatsinniit inuiaqatigiinniit aalisartuniillu akilersorneqartut nunatsinnut nuunneqarnissaat politik-ikkut sapiissuseqarluni piaartumik piumasaqaatigineqartariaqarpoq.

Kissaatigaara apeqquteqaatiga ullut suliffiusut 10 ingerlanerani akineqassasoq.